

Ukiorpassuarni piumassutsimik suliaqarneq ataqqinaammik nersornaatisinermik kinguneqarpoq

Kalaallit Nunaanni Red Barnet ippassaq, piumassutsimik sulineramik nersuiniarluni aaqqissuussivoq. Lars Peter Danielsen ukiut ingerlanerini annertuumik suliaqarsimanagera pilligu nersornaaserneqarpoq.

Kalaallit Nunaanni Red Barnet-ip immikkoortortaa 2013-imi pilersinneqarpoq, tamannali ukiorpassuarnik sioqqullugu Red Barnet Kalaallit Nunaanni suliniuteqarsimavoq. Lars Peter Danielsen-itut Rebekka Olsvigittullu nammineq piumassutsiminnik sulisut, marluullutillu ukiuni aqqaneq marlunni nammineq piumassutsiminnik sulisimanertik pillugu nalliuttorsiutigineqartut, Kalaallit Nunaanni meeqqat pitsaanerumik atugassinniarlugit namminissarsioratik suliuarsimapput. Allat piumassutsiminnik sulerusuttut takkussimanerat Kalaallit Nunanni Red Barnet-imi nunannaarutigaarput.

"Piumassutsiminnik sulisut Red Barnet-ip sulinerani qitiupput pinngitsoorneqarsinnaanngivillutillu. "Taamaammatt Kalaallit Nunaanni meeqqanut ilaqutariinnullu sanngiiffilinnut iluaqutaasumik piumassutsiminnik annertuumik sulisut nersorneqarnissaat pissusissamisoorsoraarput" Kalaallit Nunaanni Red Barnet-imi siulersuisut siulittaasuat Jonna Ketwa oqarpoq.

Aaqqisuussinermi piumassutsiminnik sulisut suliaat pillugit siulersuisunit qutsavigineqarput ukiullu amerlasuut sulisimasut marluk nersornaaserneqarlutik. Unnuk takkuttunut nuannersumik nipilersornertalimmik nerisitsinertalimmillu ingerlanneqarpoq.

Piumassutsimik sulisutut nersornaatisisussat pingasut toqqarneqarput, Lars Peter Danielsen-ili peqatigiiffimmut ilaqutariinnullu peqatigiiffimmit ikiorsorneqartunut tunniusimalluni ilumoorlunilu sulinera tunngavigalugit nersornaatisisuuvoq.

Jonna Ketwa piumassutsiminnik sulisunik nersuilluni naggasiivoq oqaatsillu uku atorlugit piumassutsiminnik sulisut inuiaqatigiinnut qanoq pingaaruteqassusaannik naqissusiilluni: "piumassutsimik sulineq- inuiaqatigiinni suleqataanermut, nutaanik ilikkagaqarnermut, inuit allat pillugit isumalimmik suliaqarnermut nutaanillu ikinngutitaarnermut- periusavoq kusanartoq. Piumassutsimik sulineq tassaavoq tunniussaqaalaarneq pissarsingaatsiarnerlu. Piumassutsimik sulineq tassaavoq kivitseqatigiinneq."

Piumassutsimik sulinermut nersornaat kusanaqaaq. Igalaaminermik eqqumiitsuliaq Dooit Design-imit tunissut, siunertamut pitsaasumut pingaarutilimmillu tunissutaasutut tunngavilersorneqartoq. Dorit Olsen Dooit Design-imeersoq ima oqaaseqaateqarpoq: "Red Barnet-imit tapersersuinissaq uanni pissusissamisoorluinnarpoq. Meeqqat inuunerinnerunissaannut periarfissiineq silarsuarmi maani pingaarnersaasariaqarpoq. Uanga ilusilersuillunga nersornaammik pilersitsinikkut piumassutsimik inoqatinik sullissinerup siuarsarnissaanut nalliussinissaanullu peqataasinnaaguma, nuannaarlunga taamaaliussaanga."

Piumassutsiminnik sulisut ilaqutariinnik Kalaallit Nunaanni Red Barnet-imut atassuteqartunik ikiuisarput taakku "Meeqqat tamarmik angerlarsimaffeqarneq pisinnaatitaaffigaat" qulequtsiullugu suliniummi pingaarutilittut ilaapputaaq.

Attavissaq: Jonna Ketwa, oqarasuaat: 246550, maili: jketwa@gmail.com